

UPRAVA DRUŠTVA

Broj: U.D-01-04-3913/22
Sarajevo, 25.02.2022. godine

Na osnovu člana 45. Statuta, člana 70. Zakona o javnim nabavkama ("Službeni glasnik BiH" broj: 39/14), i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, te preporuke Komisije za nabavku robe: Nabavka i implementacija software-a za upravljanje pristupnim politikama IT opremi (AccessPolicyManager-APM) - ponovljeni postupak, broj: 07.4-11-9-17279-32/21, od 23.02.2022. godine, Uprava Društva na 118. elektronskoj sjednici održanoj dana 25.02.2022. godine, d o n o s i:

O D L U K U

o izboru najpovoljnijeg ponuđača u postupku nabavke robe: Nabavka i implementacija software-a za upravljanje pristupnim politikama IT opremi (AccessPolicyManager-APM) - ponovljeni postupak

I
Ovom Odlukom vrši se izbor najpovoljnijeg ponuđača: „ **MIBO KOMUNIKACIJE** “ d.o.o., Tvornička 3, 71 210 Ilidža, Sarajevo, Bosna i Hercegovina, u postupku nabavke robe: **Nabavka i implementacija software-a za upravljanje pristupnim politikama IT opremi (AccessPolicyManager-APM) - ponovljeni postupak**, sa ukupnom vrijednošću od **11.000,00 KM bez PDV-a, odnosno ukupnom vrijednošću od 12.870,00 KM sa PDV-om.**

II
Nakon pravosnažnosti ove Odluke, Ugovorni organ će pozvati izabranog ponuđača iz tačke 1. ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa odredbama Zakona o javnim nabavkama, odnosno poslati obavještenje ponuđačima koji su učestovali u postupku nabavke.

III
Izabrani ponuđač nije dužan dostaviti dokaze predviđene članom 45. Zakona o javnim nabavkama, u formi i sadržaju kako je to zahtjevano u tenderskoj dokumentaciji, obzirom da je uz ponudu istovremeno dostavio i tražene dokaze.

O B R A Z L O Ž E N J E


Na osnovu Odluke o pokretanju postupka nabavke robe: Nabavka i implementacija software-a za upravljanje pristupnim politikama IT opremi (AccessPolicyManager-APM), broj: U.D-01-04-18015/21, od 21.12.2021. godine i Rješenja Generalnog direktora za provođenje postupka nabavke robe: Nabavka i implementacija software-a za upravljanje pristupnim politikama IT opremi (AccessPolicyManager-APM), (u daljem tekstu: Komisija), broj: 01-11-9-17279-9/21, od 23.12.2021. godine, proveden je konkurentski zahtjev za dostavu ponuda javne nabavke robe: Nabavka i implementacija software-a za upravljanje pristupnim politikama IT opremi (AccessPolicyManager-APM) - ponovljeni postupak, i to objavljivanjem Obavještenja o nabavci na Portalu javnih nabavki, broj: 238-7-1-57-3-16/22, od 11.02.2022. godine.

Istovremeno, ugovorni organ je omogućio neograničen i direktan pristup tenderskoj dokumentaciji putem Portala javnih nabavki, te se ista nije mogla preuzimati odnosno dostavljati na druge načine propisane Zakonom o javnim nabavkama.

Javno otvaranje ponuda u postupku predmetne nabavke održano je dana 21.02.2022. godine sa početkom u 10:00 sati i 15 minuta, u prostorijama Generalne Direkcije „ JP BH POŠTA “ d.o.o. Sarajevo, o čemu je sačinjen zapisnik o otvaranju ponuda, broj: 07.4-11-9-17279-31/21, od 21.02.2022. godine koji predstavlja sastavni dio ovog Zapisnika-izvještaja.

Komisija je prije samog otvaranja ponuda konstatovala sljedeće:

- da je tenderska dokumentacija objavljena na Portalu javnih nabavki;



GENERALNA DIREKCIJA

- da su obavještena 3 (tri) ponuđača da mogu preuzeti tendersku dokumentaciju sa portala JN;
- da je ukupno 16 (šesnaest) potencijalnih ponuđača preuzelo tendersku dokumentaciju sa Portala javnih nabavki;
- da je do roka za dostavljanje ponuda pristigla ukupno 1 (jedna) ponuda;
- da je koverta sa ponudom neoštećena, uredno zapakovana i zapečaćena.
- da je na kovertu stavljen redni broj prema kojem se utvrđuje redoslijed otvaranja i čitanja ponuda, prema vremenu dostavljanja na Protokol i to: naziv ponuđača, ukupna cijena ponude i eventualno ponuđeni popust.

Na Protokol ugovornog organa, do roka određenog za prijem ponuda, pristigla je ponuda ponuđača:

1. „ MIBO KOMUNIKACIJE “ d.o.o., Tvornička 3, 71 210 Ilidža, Sarajevo, Bosna i Hercegovina.

Komisija je prilikom otvaranja ponude pročitala podatke o nazivu i sjedištu ponuđača, ukupnu cijenu ponude i eventualni popust, ne praveći pri tome uvid u sadržaj i validnost dostavljene dokumentacije. Nakon izvršenog otvaranja ponude Komisija je pristupila analizi dokumentacije priložene uz ponudu u smislu provjere njene validnosti, obzirom na zahtjeve ugovornog organa iskazane u tenderskoj dokumentaciji, odnosno vrednovanja ponuda, a u skladu sa procedurama i pravilima utvrđenim Zakonom o javnim nabavkama i podzakonskim aktima i Pravilnikom o javnim nabavkama ugovornog organa, te je tom prilikom konstatovala sljedeće:

1. - Ponuda ponuđača „ **MIBO KOMUNIKACIJE “ d.o.o., Tvornička 3, 71 210 Ilidža, Sarajevo, Bosna i Hercegovina**, sa ukupnom vrijednosti ponude, bez uračunatog PDV-a u iznosu od **11.000,00 KM**, ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista ocjenjena kao formalno – pravno, ekonomski i tehnički **prihvatljiva**.

Obzirom da ponuda ponuđača „ **MIBO KOMUNIKACIJE “ d.o.o., Tvornička 3, 71 210 Ilidža, Sarajevo, Bosna i Hercegovina**, u potpunosti odgovara traženim tehničkim zahtjevima ugovornog organa, tj. da ovaj ponuđač ispunjava sve formalno-pravne, tehničke i ekonomske uslove, tj. zahtjeve ugovornog organa, odnosno da je njegova ponuda prihvatljiva za ugovorni organ, Ugovorni organ donosi Odluku o izboru najpovoljnijeg ponuđača u postupku javne nabavke robe: Nabavka i implementacija software-a za upravljanje pristupnim politikama IT opremi (AccessPolicyManager-APM) - ponovljeni postupak, kao najpovoljnijeg, koji je ponudio najnižu prihvatljivu ponudu od **11.000,00 KM bez PDV-a, odnosno ukupnu vrijednost Ugovora od 12.870,00 KM sa uračunatim PDV-om**.

Cijeneći navedeno donesena je odluka kao u dispozitivu.

PRAVNA POUKA: Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 5 (pet) dana po prijemu odluke o izboru, shodno članu 99. i članu 101. Zakona o javnim nabavkama i to radnim danima u radno vrijeme.

GENERALNI DIREKTOR
mr.sci. **Mirsad Mujić**

Dostaviti:

- Sektoru za razvoj i informacioni sistem (Nosilac posla)
- Službi marketinga (za objavu)
- Sektoru za EKF poslove
- Odjeljenju za Javne nabavke
- Ponuđaču putem Odjeljenja za javne nabavke
- Arhivi U.D.
- a/a

